

金剛般若疏 科判

姚秦三藏法師鳩摩羅什 譯經 胡吉藏法師 撰疏

釋道淨 整理 宗超 供稿 20240728 2 稿 微信 qq 973451196 校對 禁止商用篡改 法律責任必究

表 0: (1 表) 總表

(原文及校對參考 2013 年版《金剛經梵藏漢經論寶鬘》)

| | | | | | | | | | | | | | | |
|------------------|--|--------------|---------|--------------|----------|----------|----------------|----------|---------|--------------------|--|------|-------|--|
| 科判 | | | | | | | | | | | | | | |
| 甲一九重玄義分九 | | | 乙一序說經意 | | | 乙二明部儻多少 | | | | 乙三辨開合 | | | 乙四明前後 | |
| | | | 乙五辨經宗 | | | 乙六辨經題 | | 乙七明傳譯 | | 乙八明應驗 | | | 乙九釋章段 | |
| 乙一序分分二（表1） | | | | | | | | | 丙一通序 | | | | | |
| | | | | | | | | | 丙二別序 | | | | | |
| 丁一述贊正問（表2） | | | | | | | | | | | | | | |
| 戊一略許（表3） | | | | | | | | | | | | | | |
| 己一明般若體門分二（表4） | | 庚一明因門分二 | | 辛一答住問 | | | 壬一正明無住相以修行分二 | | | 癸一正答修行問 癸二答降伏心問 | | | | |
| | | | | 辛二答修行降問分三 | | | | | | | | | | |
| | | | | 壬二明得無所得果 | | | | | | | | | | |
| | | | | | 壬三結勸 | | | | | | | | | |
| | | 庚二辨果門 | | | | | | | | | | | | |
| | | 己二明信受門分二（表5） | | 庚二如來回答分二 | | 庚一善吉發問 | | | | | | | | |
| | | | | | | 辛一遮無答 | | | | | | | | |
| | | | | | | 辛二明有信答分七 | | | 壬一明信之時節 | | | | | |
| | | | | 壬二明能信之人 | | | | | | | | | | |
| | | | | 壬三明所信之法 | | | | | | | | | | |
| 壬四正出信心 | | | | | | | | | | | | | | |
| 壬五明信之所由 | | | | | | | | | | | | | | |
| 壬六明信之利益 | | | | | | | | | | | | | | |
| 壬七廣釋信義分三 | | | | 癸一明得 | | | | | | | | | | |
| | | | | 癸二明失 | | | | | | | | | | |
| | | | 癸三勸舍失從得 | | | | | | | | | | | |
| 己三明格量門分三（表6） | | 庚一舉外施格量分二 | | 辛一正舉外施格量 | | | | | | | | | | |
| | | | | 辛二釋成格量優劣之意分二 | | | 壬一舉小乘因果釋成格量之義 | | | | | | | |
| | | | | | | | 壬二舉大乘因果釋格量之義分二 | | | 癸一舉大乘因釋成前義 | | | | |
| | | 癸二舉大乘果釋成前義 | | | 癸一領解分四 | | | 子一自領解 | | | | | | |
| | | | | | | | | 子二明他領解 | | | | | | |
| | | | | | | | | 子三明自領解為易 | | | | | | |
| | | | | | | | | 子四明他領解為難 | | | | | | |
| | | 庚二舉內施格量分二 | | | 辛二領解釋疑分二 | | 壬一領解分二 | | 癸二佛述成 | | | | | |
| | | | | | | | | | | | | 壬二釋疑 | | |
| | | 庚三舉釋迦往因格量 | | | | | | | | | | | | |
| 丙二二週略說般若分十五章（表7） | | | 丁一初章 | | | 丁二第二章 | | | 丁三第三章 | | | | | |
| | | | 丁四第四章 | | | 丁五第五章 | | | 丁六第六章 | | | | | |
| | | | 丁七第七章 | | | 丁八第八章 | | | 丁九第九章 | | | | | |
| | | | 丁十第十章 | | | 丁十一第十一章 | | | 丁十二第十二章 | | | | | |
| | | | 丁十三第十三章 | | | 丁十四第十四章 | | | 丁十五第十五章 | | | | | |
| 乙三流通分（表8） | | | | | | | | | | | | | | |

表 1: (1 表) 乙一序分分二

| 科判 | | 經文 |
|----------------|------|---|
| 乙一 序分 分二 | 丙一通序 | 如是我聞。一時，佛在舍衛國祇樹給孤獨園，與大比丘眾千二百五十人俱。 |
| | 丙二別序 | 爾時，世尊食時，著衣持鉢，入舍衛大城乞食。 於其城中，次第乞已，還至本處。 飯食訖，收衣鉢，洗足已，敷座而坐。 |

表 2: (1 表) 丁一述贊正問

| 科判 | 經文 |
|--------|--|
| 丁一述贊正問 | 時，長老須菩提在大眾中即從座起，偏袒右肩，右膝著地，合掌恭敬而白佛言： 「希有！世尊！如來善護念諸菩薩，善付囑諸菩薩。 世尊！善男子、善女人，發阿耨多羅三藐三菩提心，應云何住？ 云何降伏其心？」 |

表 3: (1 表) 戊一略許

| 科判 | 經文 |
|------|---|
| 戊一略許 | 佛言：「善哉，善哉。須菩提！如汝所說：如來善護念諸菩薩，善付囑諸菩薩，汝今諦聽！當為汝說：善男子、善女人，發阿耨多羅三藐三菩提心，應如是住，如是降伏其心。」 「唯然。世尊！願樂欲聞。」 |

表 4: (1 表) 己一明般若體門分二

| 科判 | | | | 經文 |
|-----------|----------|-----------|--|---|
| 己一明般若體門分二 | 庚一明因門分二 | 辛一答住問 | | 佛告須菩提：「諸菩薩摩訶薩應如是降伏其心！ 所有一切眾生之類：若卵生、若胎生、若溼生、 若化生； 若有色、若無色；若有想、若無想、若非有想非 無想，我皆令入無餘涅槃而滅度之。 如是滅度無量無數無邊眾生，實無眾生得滅度者。 何以故？ 須菩提！若菩薩有我相、人相、眾生相、壽者相， 即非菩薩。」 |
| | | 辛二答修行降問分三 | 壬一正明無住相以修行分二 | 癸一正答修行問 |
| | | | 癸二答降伏心問 | 須菩提！菩薩應如是佈施，不住於相。 |
| | 壬二明得无所得果 | | 何以故？若菩薩不住相佈施，其福德不可思量。」 「須菩提！於意云何？東方虛空可思量不？」 「不也，世尊！」 「須菩提！南西北方四維上下虛空可思量不？」 「不也，世尊！」 「須菩提！菩薩無住相佈施，福德亦復如是不可 思量。」 | |
| | 壬三結勸 | | 「須菩提！菩薩但應如所教住。」 「須菩提！于意云何？可以身相見如來不？」 「不也，世尊！不可以身相得見如來。何以故？ 如來說身相，即非身相。」 佛告須菩提：「凡所有相，皆是虛妄。若見諸相非 相，則見如來。」 | |
| | 庚二辨果門 | | | |

表 5：（1 表）已二明信受門分二

| 科判 | | | 經文 |
|----------|----------|----------|---|
| 已二明信受門分二 | 庚一善吉發問 | | 須菩提白佛言：「世尊！頗有眾生，得聞如是言說章句，生實信不？」 |
| | 庚二如來回答分二 | 辛一遮無答 | 佛告須菩提：「莫作是說。 |
| | | 壬二明有信答分七 | 如來滅後，後五百歲。 |
| | | | 有持戒修福者。 |
| | | | 於此章句。 |
| | | | 能生信心，以此為實。 |
| | | | 當知是人於一佛二佛三四五佛而種善根，已於無量千萬佛所種諸善根。 |
| | | | 聞是章句，乃至一念生淨信者。 |
| | | | 須菩提！如來悉知悉見，是諸眾生得如是無量福德。 |
| | | 壬七廣釋信義分三 | 何以故？是諸眾生無復我相、人相、眾生相、壽者相。無法相，亦無非法相。 |
| | | | 何以故？是諸眾生若心取相，則為著我人眾生壽者。若取法相，即著我人眾生壽者。何以故？若取非法相，即著我人眾生壽者， |
| | | | 是故不應取法，不應取非法。以是義故，如來常說：汝等比丘，知我說法，如筏喻者，法尚應舍，何況非法。須菩提！于意云何？如來得阿耨多羅三藐三菩提耶？如來有所說法耶？」須菩提言：「如我解佛所說義，無有定法名阿耨多羅三藐三菩提，亦無有定法，如來可說。何以故？如來所說法，皆不可取、不可說、非法、非非法。所以者何？一切賢聖，皆以無為法而有差別。」 |

表 6-1：（3 表）已三明格量門分三

| 科判 | | | 經文 |
|----------|-----------|--------------|---|
| 已三明格量門分三 | 庚一舉外施格量分二 | 辛一正舉外施格量 | <p>「須菩提！於意云何？若人滿三千大千世界七寶以用佈施，是人所得福德，寧為多不？」</p> <p>須菩提言：「甚多，世尊！何以故？是福德即非福德性，是故如來說福德多。」</p> <p>「若復有人，於此經中受持，乃至四句偈等，為他人說，其福勝彼。何以故？須菩提！一切諸佛，及諸佛阿耨多羅三藐三菩提法，皆從此經出。須菩提！所謂佛法者，即非佛法。」</p> |
| | | 辛二釋成格量優劣之意分二 | <p>「須菩提！於意云何？須陀洹能作是念：『我得須陀洹果』不？」</p> <p>須菩提言：「不也，世尊！何以故？須陀洹名為入流，而無所入，不入色聲香味觸法，是名須陀洹。」</p> <p>「須菩提！於意云何？斯陀含能作是念：『我得斯陀含果』不？」</p> <p>須菩提言：「不也，世尊！何以故？斯陀含名一往來，而實無往來，是名斯陀含。」</p> <p>「須菩提！於意云何？阿那含能作是念：『我得阿那含果』不？」</p> <p>須菩提言：「不也，世尊！何以故？阿那含名為不來，而實無來，是故名阿那含。」</p> <p>「須菩提！於意云何？阿羅漢能作是念：『我得阿羅漢道』不？」</p> <p>須菩提言：「不也，世尊！何以故？實無有法名阿羅漢。世尊！若阿羅漢作是念：『我得阿羅漢道』，即為著我人眾生壽者。世尊！佛說我得無諍三昧，人中最為第一，是第一離欲阿羅漢。我不作是念：『我是離欲阿羅漢』。</p> <p>世尊！我若作是念：『我得阿羅漢道』，世尊則不說須菩提是樂阿蘭那行者！以須菩提實无所行，而名須菩提是樂阿蘭那行。」</p> |

表 6-2：(3 表) 己三明格量門分三

| | | | | | |
|-----------|-----------|--------------|----------------|---|--|
| 己三明格量門分三 | 庚一舉外施格量分二 | 辛二釋成格量優劣之意分二 | 壬二舉大乘因果釋格量之義分二 | 癸一舉大乘因釋成前義 | 佛告須菩提：「于意云何？如來昔在燃燈佛所，于法有所得不？」 「世尊！如來在燃燈佛所，于法實無所得。」 「須菩提！于意云何？菩薩莊嚴佛土不？」 「不也，世尊！何以故？莊嚴佛土者，則非莊嚴，是名莊嚴。」 「是故須菩提，諸菩薩摩訶薩應如是生清淨心，不應住色生心，不應住聲香味觸法生心，應無所住而生其心。」 |
| | | | | 癸二舉大乘果釋成前義 | 須菩提！譬如有人，身如須彌山王，于意云何？是身為大不？」 須菩提言：「甚大，世尊！何以故？佛說非身，是名大身。」 「須菩提！如恆河中所有沙數，如是沙等恆河，於意云何？是諸恆河沙寧為多不？」 須菩提言：「甚多，世尊！但諸恆河尚多無數，何況其沙！」 「須菩提！我今實言告汝：若有善男子、善女人，以七寶滿爾所恆河沙數三千大千世界，以用佈施，得福多不？」 須菩提言：「甚多，世尊！」 佛告須菩提：「若善男子、善女人，於此經中，乃至受持四句偈等，為他人說，而此福德勝前福德。 複次，須菩提！隨說是經，乃至四句偈等，當知此處，一切世間、天、人、阿修羅，皆應供養，如佛塔廟，何況有人盡能受持讀誦。 須菩提！當知是人成就最上第一希有之法，若是經典所在之處，則為有佛，若尊重弟子。」 爾時，須菩提白佛言：「世尊！當何名此經？我等云何奉持？」 佛告須菩提：「是經名為《金剛般若波羅蜜》，以是名字，汝當奉持。所以者何？」 須菩提！佛說般若波羅蜜，則非般若波羅蜜。 須菩提！於意云何？如來有所說法不？」 須菩提白佛言：「世尊！如來無所說。」 「須菩提！於意云何？三千大千世界所有微塵是為多不？」 須菩提言：「甚多，世尊！」 「須菩提！諸微塵，如來說非微塵，是名微塵。如來說：世界，非世界，是名世界。 「須菩提！於意云何？可以三十二相見如來不？」 「不也，世尊！何以故？如來說：三十二相，即是非相，是名三十二相。」 |
| 庚二舉內施格量分二 | 辛二領解釋疑分二 | 壬一領解分二 | 辛一正明格 | | 「須菩提！若有善男子、善女人，以恆河沙等身命佈施；若復有人，於此經中，乃至受持四句偈等，為他人說，其福甚多！」 |
| | | | 癸一領解分四 | 子一自領解 | 爾時，須菩提聞說是經，深解義趣，涕淚悲泣，而白佛言：「希有，世尊！佛說如是甚深經典，我從昔來所得慧眼，未曾得聞如是之經。」 |
| | | | | 子二明他領解 | 世尊！若復有人得聞是經，信心清淨，則生實相，當知是人，成就第一希有功德。 世尊！是實相者，則是非相，是故如來說名實相。 |
| | | | | 子三明自領解為易 | 世尊！我今得聞如是經典，信解受持不足為難。 |
| | | | | 子四明他領解為難 | 若當來世，後五百歲，其有眾生，得聞是經，信解受持，是人則為第一希有。何以故？ 此人無我相、人相、眾生相、壽者相。所以者何？ 我相即是非相，人相、眾生相、壽者相即是非相。何以故？ 離一切諸相，則名諸佛。」 |
| | | | 癸二佛述成 | 佛告須菩提：「如是！如是！若復有人，得聞是經，不驚、不怖、不畏，當知是人甚為希有。何以故？ 須菩提！如來說：第一波羅蜜，非第一波羅蜜，是名第一波羅蜜。」 | |

表 6-3：（3 表）己三明格量門分三

| | | | |
|----------|-----------|----------|--|
| 己三明格量門分三 | 庚二舉內施格量分二 | 辛二領解釋疑分二 | <p>壬二釋疑</p> <p>須菩提！忍辱波羅蜜，如來說非忍辱波羅蜜。何以故？ 須菩提！如我昔為歌利王割截身體，我於爾時，無我相、無人相、無眾生相、無壽者相。何以故？ 我於往昔節節支解時，若有我相、人相、眾生相、壽者相，應生瞋恨。 須菩提！又念過去於五百世作忍辱仙人，於爾所世，無我相、無人相、無眾生相、無壽者相。 是故須菩提！菩薩應離一切相，發阿耨多羅三藐三菩提心，不應住色生心，不應住聲香味觸法生心，應生無所住心。 若心有住，則為非住。 是故佛說：菩薩心不應住色佈施。 須菩提！菩薩為利益一切眾生，應如是佈施。 如來說：一切諸相，即是非相。 又說：一切眾生，則非眾生。 須菩提！如來是真語者、實語者、如語者、不誑語者、不異語者。 須菩提！如來所得法，此法無實無虛。 須菩提！若菩薩心住於法而行佈施，如人入暗，則無所見； 若菩薩心不住法而行佈施，如人有目，日光明照，見種種色。 須菩提！當來之世，若有善男子、善女人，能於此經受持讀誦，則為如來以佛智慧，悉知是人，悉見是人，皆得成就無量無邊功德。 「須菩提！若有善男子、善女人，初日分以恆河沙等身佈施，中日分復以恆河沙等身佈施，後日分亦以恆河沙等身佈施，如是無量百千萬億劫以身佈施； 若復有人，聞此經典，信心不逆，其福勝彼，何況書寫、受持、讀誦、為人解說。 須菩提！以要言之，是經有不可思議、不可稱量、無邊功德。 如來為發大乘者說，為發最上乘者說。 若有人能受持讀誦，廣為人說，如來悉知是人，悉見是人，皆成就不可量、不可稱、無有邊、不可思議功德，如是人等，則為荷擔如來阿耨多羅三藐三菩提。何以故？ 須菩提！若樂小法者，著我見、人見、眾生見、壽者見，則於此經，不能聽受讀誦、為人解說。 須菩提！在在處處，若有此經，一切世間、天、人、阿修羅，所應供養；當知此處，則為是塔，皆應恭敬，作禮圍遶，以諸華香而散其處。 「複次，須菩提！善男子、善女人，受持讀誦此經，若為人輕賤，是人先世罪業，應墮惡道，以今世人輕賤故，先世罪業則為消滅，當得阿耨多羅三藐三菩提。」</p> |
| | 庚三舉釋迦往因格量 | | <p>須菩提！我念過去無量阿僧祇劫，於然燈佛前，得值八百四千萬億那由他諸佛，悉皆供養承事，無空過者； 若復有人，於後末世，能受持讀誦此經，所得功德，於我所供養諸佛功德，百分不及一，千萬億分、乃至算數譬喻所不能及。 須菩提！若善男子、善女人，於後末世，有受持讀誦此經，所得功德，我若具說者，或有人聞，心則狂亂，狐疑不信。 須菩提！當知是經義不可思議，果報亦不可思議。」</p> |

表 7-1：（3 表）丙二二週略說般若分十五章

| 科判 | | 經文 |
|--------------|------|--|
| 丙二二週略說般若分十五章 | 丁一初章 | <p>爾時，須菩提白佛言：「世尊！善男子、善女人，發阿耨多羅三藐三菩提心，云何應住？云何降伏其心？」 佛告須菩提：「善男子、善女人，發阿耨多羅三藐三菩提者，當生如是心，我應滅度一切眾生。滅度一切眾生已，而無有一眾生實滅度者。何以故？若菩薩有我相、人相、眾生相、壽者相，則非菩薩。 所以者何？須菩提！實無有法發阿耨多羅三藐三菩提者。」</p> |

表 7-2：（3 表）丙二二週略說般若分十五章

| | | |
|--------------|-------|---|
| 丙二二週略說般若分十五章 | 丁二第二章 | <p>「須菩提！於意云何？如來於然燈佛所，有法得阿耨多羅三藐三菩提不？」</p> <p>「不也，世尊！如我解佛所說義，佛於然燈佛所，無有法得阿耨多羅三藐三菩提。」</p> <p>佛言：「如是，如是。須菩提！實無有法如來得阿耨多羅三藐三菩提。</p> <p>須菩提！若有法如來得阿耨多羅三藐三菩提，然燈佛則不與我授記：『汝於來世，當得作佛，號釋迦牟尼。』</p> <p>以實無有法得阿耨多羅三藐三菩提，是故然燈佛與我授記，作是言：『汝於來世，當得作佛，號釋迦牟尼。』何以故？如來者，即諸法如義。</p> <p>若有人言：如來得阿耨多羅三藐三菩提。</p> <p>須菩提！實無有法，佛得阿耨多羅三藐三菩提。</p> <p>須菩提！如來所得阿耨多羅三藐三菩提，於是中無實無虛。</p> <p>是故如來說：一切法皆是佛法。</p> <p>須菩提！所言一切法者，即非一切法，是故名一切法。」</p> |
| | 丁三第三章 | <p>須菩提！譬如人身長大。」</p> <p>須菩提言：「世尊！如來說：人身長大，則為非大身，是名大身。」</p> |
| | 丁四第四章 | <p>「須菩提！菩薩亦如是。若作是言：『我當滅度無量眾生』，則不名菩薩。</p> <p>何以故？須菩提！無有法名為菩薩。</p> <p>是故佛說：一切法無我、無人、無眾生、無壽者。</p> <p>須菩提！若菩薩作是言：『我當莊嚴佛土』，是不名菩薩。何以故？</p> <p>如來說：莊嚴佛土者，即非莊嚴，是名莊嚴。</p> <p>須菩提！若菩薩通达无我、法者，如來說名真是菩薩。」</p> |
| | 丁五第五章 | <p>「須菩提！於意云何？如來有肉眼不？」「如是，世尊！如來有肉眼。」</p> <p>「須菩提！於意云何？如來有天眼不？」「如是，世尊！如來有天眼。」</p> <p>「須菩提！於意云何？如來有慧眼不？」「如是，世尊！如來有慧眼。」</p> <p>「須菩提！於意云何？如來有法眼不？」「如是，世尊！如來有法眼。」</p> <p>「須菩提！於意云何？如來有佛眼不？」「如是，世尊！如來有佛眼。」</p> <p>「須菩提！於意云何？恆河中所有沙，佛說是沙不？」</p> <p>「如是，世尊！如來說是沙。」</p> <p>「須菩提！於意云何？如一恆河中所有沙，有如是等恆河，是諸恆河所有沙數，佛世界如是，寧為多不？」</p> <p>「甚多，世尊！」</p> <p>佛告須菩提：「爾所國土中，所有眾生，若干種心，如來悉知。何以故？</p> <p>如來說：諸心皆為非心，是名為心。所以者何？</p> <p>須菩提！過去心不可得，現在心不可得，未來心不可得。</p> <p>「須菩提！於意云何？</p> <p>若有人滿三千大千世界七寶以用佈施，是人以是因緣，得福多不？」</p> <p>「如是，世尊！此人以是因緣，得福甚多。」</p> <p>「須菩提！若福德有實，如來不說得福德多；</p> <p>以福德無故，如來說得福德多。」</p> |
| | 丁六第六章 | <p>「須菩提！於意云何？佛可以具足色身見不？」</p> <p>「不也，世尊！如來不應以色身見。何以故？</p> <p>如來說：具足色身，即非具足色身，是名具足色身。」</p> <p>「須菩提！於意云何？如來可以具足諸相見不？」</p> <p>「不也，世尊！如來不應以具足諸相見。</p> <p>何以故？如來說：諸相具足，即非具足，是名諸相具足。」</p> |
| | 丁七第七章 | <p>「須菩提！汝勿謂如來作是念：『我當有所說法。』莫作是念，何以故？</p> <p>若人言：如來有所說法，即為謗佛，不能解我所說故。</p> <p>須菩提！說法者，無法可說，是名說法。」</p> <p>爾時，慧命須菩提白佛言：</p> <p>「世尊！頗有眾生，於未來世，聞說是法，生信心不？」</p> <p>佛言：「須菩提！彼非眾生，非不眾生。</p> <p>何以故？須菩提！眾生眾生者，如來說非眾生，是名眾生。」</p> |

表 7-3：（3 表）丙二二週略說般若分十五章

| | | |
|--------------|---------|---|
| 丙二二週略說般若分十五章 | 丁八第八章 | <p>須菩提白佛言：「世尊！佛得阿耨多羅三藐三菩提，為無所得耶？」</p> <p>「如是，如是。須菩提！我於阿耨多羅三藐三菩提乃至無有少法可得，是名阿耨多羅三藐三菩提。</p> <p>複次，須菩提！是法平等，無有高下，是名阿耨多羅三藐三菩提；以無我、無人、無眾生、無壽者，修一切善法，則得阿耨多羅三藐三菩提。須菩提！所言善法者，如來說非善法，是名善法。</p> |
| | 丁九第九章 | <p>「須菩提！若三千大千世界中所有諸須彌山王，如是等七寶聚，有人持用布施；若人以此《般若波羅蜜經》，乃至四句偈等，受持、為他人說，于前福德百分不及一，百千萬億分，乃至算數譬喻所不能及。</p> |
| | 丁十第十章 | <p>「須菩提！於意云何？汝等勿謂如來作是念：『我當度眾生。』」</p> <p>須菩提！莫作是念。何以故？</p> <p>實無有眾生如來度者，若有眾生如來度者，如來則有我人眾生壽者。</p> <p>須菩提！如來說：『有我者，則非有我，而凡夫之人以為有我。』</p> <p>須菩提！凡夫者，如來說則非凡夫。</p> |
| | 丁十一第十一章 | <p>「須菩提！於意云何？可以三十二相觀如來不？」</p> <p>須菩提言：「如是！如是！以三十二相觀如來。」</p> <p>佛言：「須菩提！若以三十二相觀如來者，轉輪聖王則是如來。」</p> <p>須菩提白佛言：「世尊！如我解佛所說義，不應以三十二相觀如來。」</p> <p>爾時，世尊而說偈言：</p> <p>「若以色見我，以音声求我，是人行邪道，不能見如來。」</p> |
| | 丁十二第十二章 | <p>「須菩提！汝若作是念：『如來不以具足相故，得阿耨多羅三藐三菩提。』」</p> <p>須菩提！莫作是念：『如來不以具足相故，得阿耨多羅三藐三菩提。』</p> <p>須菩提！汝若作是念，發阿耨多羅三藐三菩提者，說諸法斷滅。莫作是念！何以故？發阿耨多羅三藐三菩提者，于法不說斷滅相。</p> <p>「須菩提！若菩薩以滿恆河沙等世界七寶佈施；若復有人知一切法無我，得成於忍，此菩薩勝前菩薩所得功德。須菩提！以諸菩薩不受福德故。」</p> <p>須菩提白佛言：「世尊！云何菩薩不受福德？」</p> <p>「須菩提！菩薩所作福德，不應貪著，是故說不受福德。</p> |
| | 丁十三第十三章 | <p>「須菩提！若有人言：如來若來若去、若坐若臥，是不解我所說義。何以故？如來者，無所從來，亦無所去，故名如來。」</p> |
| | 丁十四第十四章 | <p>「須菩提！若善男子、善女人，以三千大千世界碎為微塵，於意云何？是微塵眾寧為多不？」</p> <p>「甚多，世尊！何以故？若是微塵眾實有者，佛則不說是微塵眾，所以者何？佛說：微塵眾，則非微塵眾，是名微塵眾。</p> <p>世尊！如來所說三千大千世界，則非世界，是名世界。何以故？若世界實有，則是一合相。如來說：一合相，則非一合相，是名一合相。」</p> <p>「須菩提！一合相者，則是不可說，但凡夫之人貪著其事。</p> <p>「須菩提！若人言：佛說我見、人見、眾生見、壽者見。須菩提！於意云何？是人解我所說義不？」</p> <p>「世尊！是不解如來所說義。何以故？世尊說：我見、人見、眾生見、壽者見，即非我見、人見、眾生見、壽者見，是名我見、人見、眾生見、壽者見。」</p> <p>「須菩提！發阿耨多羅三藐三菩提心者，於一切法，應如是知，如是見，如是信解，不生法相。須菩提！所言法相者，如來說即非法相，是名法相。</p> |
| | 丁十五第十五章 | <p>「須菩提！若有人以滿無量阿僧祇世界七寶持用佈施，若有善男子、善女人，發菩薩心者，持於此經，乃至四句偈等，受持讀誦，為人演說，其福勝彼。云何為人演說，不取於相，如如不動。何以故？</p> <p>一切有為法，如夢幻泡影，如露亦如電，應作如是觀。」</p> |

表 8：（1 表）乙三流通分

| 科判 | 經文 |
|-------|--|
| 乙三流通分 | 佛說是經已，長老須菩提及諸比丘、比丘尼、優婆塞、優婆夷、一切世間、天、人、阿修羅，聞佛所說，皆大歡喜，信受奉行。 |